

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Općinski načelnik



Bosnia and Herzegovina  
Federation of Bosnia and Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Општински начелник

Na osnovu čl. 25. i 74. Statuta Općine Centar Sarajevo – prečišćen tekst (Službene novine Kantona Sarajevo", broj 23/04) i člana 7. Odluke o realizaciji programa poticaja za samozapošljavanje mladih i unaprjeđenje poduzetništva iz sredstava Budžeta Općine Centar Sarajevo broj: 01-11-4271 od 29.07.2021.godine, Općinski načelnik  
o b j a v l j u j e

## **JAVNI POZIV**

### **za realizaciju programa poticaja samozapošljavanja mladih i unaprjeđenje poduzetništva iz sredstava Budžeta Općine Centar Sarajevo za 2023. godinu**

#### **I PREDMET I CILJ JAVNOG POZIVA**

Općina Centar Sarajevo ovim Javnim pozivom pruža mogućnost poticaja poduzetništva i samozapošljavanja svim zainteresovanim mladim osobama starosne dobi do 35 godina sa područja Općine Centar Sarajevo, kroz stručnu podršku (trening i mentorstvo) i sufinansiranje troškova pokretanja i razvoja vlastitog biznisa.

Aplikanti će kroz Javni poziv i stručnu podršku u izradi biznis plana biti u mogućnosti jačati svoje poduzetničke vještine. Najbolje ocijenjeni poslovni prijedlozi će biti finansijski i mentorski podržani u prvoj godini poslovanja.

Visina finansijskih sredstava po uspješno ocijenjenom poslovnom planu iznosi do 30.000,00 KM. Ukupan iznos predlaže Komisija na osnovu ocjene opravdanosti troškova poslovnog plana, a Opštinski načelnik donosi Odluku o dodjeli bespovratnih sredstava.

#### **II PRAVO UČEŠĆA**

Aplikanti sa pravom učešća moraju ispunjavati sljedeće uslove:

- Da se nalaze na evidenciji nezaposlenih JU Služba za zapošljavanje Kantona Sarajevo;
- Da imaju prebivalište na području Općine Centar Sarajevo;
- Da planiraju registrovati i razvijati svoj biznis na području Općine Centar Sarajevo;
- Da pripadaju kategoriji mladih, starosne dobi do 35 godina.

### III POTREBNA DOKUMENTACIJA

Prijava na Javni poziv treba da sadrži slijedeće dokumente:

- a) Jasno i čitko popunjen formular za prijavu na Javni poziv;
- b) Dokaz o prebivalištu na području Općine Centar Sarajevo u kontinuitetu najmanje 12 mjeseci do dana objave Javnog poziva (**Uvjerjenje o kretanju izdato od strane MUP-a KS**, original ili ovjerena kopija ne starija od 30 dana);
- c) Potvrdu JU Službe za zapošljavanje KS da se prijavitelj nalazi na evidenciji nezaposlenih (original, ne starija od 30 dana);
- d) Kopiju lične karte.

Prijava mora biti potpuna i uz istu mora biti dostavljena kompletna dokumentacija tražena Javnim pozivom.

Formular za prijavu na Javni poziv možete preuzeti na slijedećem linku: <https://www.centar.ba/javni-pozivi-i-konkursi>

### IV NAČIN I ROK PODNOŠENJA PRIJAVE

Zahtjevi/prijave se podnose u zatvorenoj koverti, direktno na protokol Općine Centar Sarajevo ili preporučeno putem pošte na adresu:

<p style="text-align: center;"><b>Općina Centar Sarajevo</b> <b>Služba za lokalno-ekonomski razvoj i mjesnu samoupravu</b> <b>Mis Irbina 1</b> <b>71000 Sarajevo</b> <b><u>„Javni poziv za realizaciju programa poticaja samozapošljavanja mladih i unaprjeđenje poduzetništva iz sredstava Budžeta Općine Centar Sarajevo za 2023. godinu“</u></b> <b>„NE OTVARAJ“</b></p>
---

Javni poziv ostaje otvoren od dana objave do 29.05.2023. godine.

**Nepotpune i neblagovremene prijave neće biti uzete u razmatranje.**

### V OSTALE ODREDBE

**Status kandidata za finansiranje stiće se:**

- Podnošenjem potpune i tehnički ispravne prijave u skladu sa pravilima Javnog poziva;
- Aktivnim učešćem u programu stručne podrške u izradi poslovnih planova, što podrazumijeva učešće na obuci (uz eventualno odsustvo kraće od 10% od dužine trajanja obuke) i pravovremenu izradu zadataka za samostalni rad (elemenata poslovnog plana);
- Podnošenjem kompletnog poslovnog plana u predviđenom roku za evaluaciju od strane Komisije;
- Usmenom odbranom poslovnog plana pred Komisijom.

**Status uspješnog kandidata, čiji je poslovni plan prihvaćen za finansiranje stiče se:**

- Pozitivnom ocjenom poslovnog poduhvata (ukupnom ocjenom iznad 60 bodova);
- Dostavljanjem dodatne dokumentacije, koja bude tražena od Komisije;
- Prihvatanjem odredbi Ugovora o dodjeli finansijskih sredstava, odnosno svih obaveza koje kandidat preuzima potpisom istog.

U slučaju da je broj pozitivno ocijenjenih poslovnih planova veći od iznosa dostupnih sredstava, Odluka o finansiranju se donosi počevši od najbolje ocijenjenog poslovnog prijedloga prema slabije ocijenjenim, do utroška raspoloživih sredstava;

U postupku po Javnom pozivu, Općina Centar Sarajevo ne snosi nikakve troškove učesnika Javnog poziva. Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Prispjela dokumentacija se ne vraća podnosiocu.

Sve dodatne informacije vezane za Javni poziv mogu se dobiti svakim radnim danom putem telefona: 033/562-389 i 033/223-269.

**OPŠTINSKI NAČELNIK**

Srđan MANDIĆ